

於陵子

陈仲子

文碩閣

wenshuoge.com

目录

关于我们	3
於陵子	5

版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望可以帮助有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

如何联系我们？

网站：www.wenshuoge.com

邮箱：7sbook@duck.com



(扫码访问网站)



(扫码加客服微信)

於陵子

於陵子畏人。东田大夫曰：“仲尼亦有言：羽毛弗可与同群。今子畏我冠带，将畴其伦？请殿其故。”於陵子永息搗沫，辟牖而言曰：“嘻乎！夫噬螫蛰于宾俎，血肉胎于晏笑。凌秩而吴越，趾趾者，晓且夜也。而沈世者，昧欲反之，顾复戚之，可无畏邪？今大夫请其故，畏莫畏乎大夫矣。”大夫曰：“奚畏？”於陵子曰：“予观大夫，心山川乎，战予躋涉也；貌桎梏乎，械予肢体也；视鹰鹫乎，不知其欲也；言风云乎，不知其变也。夫如是，奚不畏也？”大夫曰：“亡行，故丑于德，然未尝毁则公朝，县罪郊境。董以形焉，则轩虞而上皆灭景。非则，人将畏子矣。”於陵子曰：“柅哉！言乎形也。夫圣人弗以形形，以形而形者，至今四海矣。卒是不形予于景光，不貌予渊监者，畏我也。然犹未尔，谓神君混朴而辱予智，谓自然靡饬而放予礼，谓情素澄塞，亡使美利刺吾目，毁誉刃吾舌。由今，且弗谓我存惧，未足不我畏也。乃大夫徒知我之畏人，而未知我之畏我久矣。”【於陵子.畏人】

於陵子贫居，而人莫能任焉。淳于子问曰：“民之生也，乐贫贱乎？乐富贵乎？乐贫贱也，则尹说不必贵，然赣不必富。乐富贵也，则匹夫非宁位，蓬疏非宁居。子独能久乎？”於陵子曰：“最昔之民，相与均天地之有，夷生人之等，休休与与，亡校满损。由夫，伐气者已崇，沈欲者已聚，而贫贱形矣。今也，衡予气，便便不知势位之荣也；廉予欲，恬恬不知金玉之利也。忘得失之忧，保性命之乐，亦恶能舍此适彼哉？”淳于子曰：“子不观一介之人，遇淖履则践，见社主则拜。钧一木也，而人之恭侮若此，何哉？今天下恭富贵而侮贫贱者，人人。子盍择所从去矣？”於陵子曰：“嘻夫！淖履则践，侮淖履也；社主则拜，恭社主也。木亦何荣辱与乎？”淳于子喑而出。【於陵子.贫居】

齐王将使於陵子为大夫。於陵子辞曰：“君不闻草之昌羊乎？夫昌羊丽神确砾，沐生水泉，翩翩自适于幽岩之下。向使置之以坟壤，粪之以秽涪，晞之以日光，则旦暮槁矣。何者，非其好也。今臣之首蓬胡，而宜臣弊帑，不壮大夫冕也。臣之足辟跳，而宜臣苏屨，不称大夫履也。臣之体倚隅，而宜臣絺褐。臣之口恬澹，而宜臣糟糠。不任大夫服与食也。凡今之贵为大夫也者，皆非臣之所宜。则亦奚贵乎大夫矣？且君之口口口口口口口口口口臣之知识不出乎一室之内；猷为不越乎一身之外。上弦国口口口口口口口口为之有不负天口亡功者哉。亡功而食禄，是羊豕也。臣宁匹夫而藜藿，不忍羊豕而粱肉矣。”遂去齐之楚，居于於陵。【於陵子.辞禄】

於陵子休于青丘之门，去而遗其盖。天降雨，识者获而驰反之於陵子。於陵子曰：“我固亡盖，子胡诬我盖也？”识者曰：“何言乎诬先生盖也？适先生遗之青丘之门，天方雨，不忍先生亡盖用，驰而反焉。何言乎诬先生盖也？”於陵子笑曰：“子隘矣。夫帝唐一旦谢九五，而天下不有也。吾既遗之矣，恶得有之，以重于天下哉？”遂行不顾，天大雨。识者曰：“雨既降矣，吾将与先生胥而庇之。”於陵子

曰：“齐君与吾同姓，不以贱而庇其贵。齐卿与吾伯仲，不以贫而庇其富。今一雨之患，不加于贫贱，而半盖之庇，卒重于富贵。非我不庇于人之意也。请子庇子之盖，我庇我之意而已。”【於陵子.遗盖】

齐、楚有重丘之役。人问于於陵子曰：“齐，子产也；楚，子居也，得失子具焉。今二国构兵，子将奚直？”於陵子曰：“古者公侯擅征伐，天子得按其罪而轻重之。然殷汤歼葛，桀未放也；西伯戡黎，纣未亡也。彼所谓圣人者，且首于而靡悔焉。矧蔑天子未有如今者乎？昔者，泰山与江汉争王，两京不下。泰山矢曰：‘弗让吾瓢尘以实彼沟浍，且不为齐主！’江汉亦矢曰：‘弗汨吾馀沥以荡彼培塿，且不为楚雄！’于是，有中州之蜗，将起而责其是非。欲东之泰山，会程三千余岁；欲南之江汉，会程亦三千余岁。因自量其齿，则不过旦暮之间。于是悲愤莫胜，而枯于蓬蒿之上，为蝼蚁所笑也。今天子且拱手不能按其轻重，而一匹之夫，非有万乘之号，诛赏之权，辄欲起而议之，则何以异中州之蜗，为蝼蚁所笑也？”【於陵子.人问】

国中大旱，於陵子晨汲于东郭外十里而尽其泉。后者绎踵靡得，咸藐藐内譙其后人也。於陵子蹀躞而悲曰：“呜乎！天为之，我为之邪？我为之，人为之邪？且吾未尝先天下事而贪而争也。则兹胡先乎人？而贪乎饮，而争乎汲乎？岂贪奸乎我？我沉乎争乎？非然者，孰使我争？孰使我先？孰使我贪？丧吾贞廉？人为之邪，我为之也？我为之邪，天为之也？”于是，聚诸汲，钩其有。震其甌，裂其纆，匍匐而还。闭门哭泣，三日绝饮，以惩其先人也。【於陵子.先人】

於陵子居于於陵。茅芒勿任雨雪，墉堵莫御焱暴。信宿兼飧，寒暑并服，然未曾辍琴歌之声。接予使楚，过而闻之曰：“秩秩乎，故人之声也。”遂休轭而晋于蓬门之下，莫信其冠履焉。乃劳之曰：“子穷矣乎！”於陵子仰天大笑曰：“子穷矣！”接予曰：“谬谈乎！子之我穷也？夫人贵为公卿，与君王襄理千乘，舌为政令，指为石画，小大凜畏。繡衣肉食，美妻妾，盛舆马，亲戚饱其馀糈，里閭灼其煨燂，勲名德誉，班于邻国。匹夫至此，庶几乎达矣。若子者，志降于时，言斥于众。身去父母之邦，神死稿莽之下。冻馁之色，徵于四体，委身沟壑，展足可待。此以笃人生之辱，极吾道之凶矣。然不自穷而穷我，亡亦谬乎？”

於陵子曰：“夫良金百炼而不失其采，美玉百涅而不渝其洁者，此固不能以穷穷也。曩吾与子宁兹否道，辟时末流，相与窒其耳目，忘其尸体，藏其心志，三十年而穷亡乎，我至今也。今子一旦自守之真失，而穷驱之势力之疆，声貌衣食之囿矣。既鬼乃真，徒尸乃躬，赫赫子外，歉歉子中，是无能乎穷，而受穷所穷。受穷所穷，而子穷矣！”【於陵子.辩穷】

有渊人亡珠于市，於陵子过之而疑焉。遂听直于市长，於陵子泽色，亡与辩焉。市长投座起曰：“此於陵先生也，天下所共与廉者，今独子秽及焉，吾忧女尸巷术矣

。”於陵子于是漂涕交臆，怒不苟言。市长曰：“夫貌不举于知心，神不抑于昧己，固真人不为世秽也。今亡行，亡敢谓知先生而廉先生。彼渊人，不足谓昧先生而盗先生。然欣戚偈施，庸有以邪。”於陵子蹙然曰：“夫木不戕于斧斤，而戎乎桁械者，为身害小，而名害大也。今珠，吾没齿盗，孰与廉？吾百世盗邪！盖没齿易尽，百世亡忘。亡忘，诚所悲也。”

市长曰：“夫行由表立，名捷景赴，廉奚盗也？”於陵子曰：“子不闻赫胥之上，大道百行，匹夫共而不有；庖羲之下，元风大德，至人有而不矜。迨夫，五帝凿民，心心自私。于是盗德行于五品相委，盗知术于蒙朴未开。公输巧而众人愚，离朱明而天下瞽矣。且其不近盗之日月，而久盗之天地，久不已也。则声盗之雷霆，声不已也；则鬼盗之神明，兹其情伪，非古今所谓大盗邪？今天下不幸，而旅去其廉，独使大盗归我，哀微肩矣。”须臾，有拾遗者闻之，以其珠诣市长。市长曰：“於陵先生方悲盗廉也，请子亡盗义，我岂敢盗能听也哉！”【於陵子.亡珠】

於陵子过句氏之圃而美其蔬，则夜梦拔葵而亨诸。明日，於陵子遗之句氏屡。句氏曰：“小人货用者，不敢先侪偶涅，子涅子，由今度来之不亡往也。”於陵子罄之故。句氏曰：“夫梦，神驳也，是以善败颠焉。今予樊亡罪乎防，宁忍以屡毒我取也？子指無罪乎攘，独奈以屡毒而予也。”於陵子曰：“俾神而驳也，亡必商与相周与齿已尔。不者，神非意乘乎？意非我乘乎？予固無取，安免吾须臾跖也。”句氏曰：“子不朕朕为跖，欲我昭昭为跖邪？”遂不取，弃之。通庄人闻二子之风，三年不取而萎焉。【於陵子.梦葵】

於陵子薪于野，遇巷之人，耦负于途，罢思息焉。巷之人曰：“矚而坟然者，小人之居也，请得假力乎否？”於陵子曰：“诺。”及门弛荷，将趾畿焉，赌县踊而止，问曰：“奚县此罪人之具也？”巷之人曰：“使楚国靡废法乎，小人业为之靡废步也。”於陵子曰：“胡以尔也？毋宁屡而业乎？”巷之人曰：“夫屡，指稠而报浅，亡若踊擅而报足，我餬口者。”於陵子曰：“殆夫，子之业也！将亡贼咎繇之意，而亡楚国邪。夫楚，历先神而抚有江汉者，非得于全民首踵而为之奔走哉！今考而业也，则是上尸虐主，下藏戮民。虐主戮民，汤武所为基也。鬻熊将不食乎！且尔夺鬻熊之食，以餬其口；尽楚国之足，以实子室。盖所夷预矣，几何而不怒予亡罪，使子业弗售一人利也。嗟乎！予又安能干楚国之宪，以副子之欲哉！”遂舍薪而趋，曰：“巷之人将刖我矣！”【於陵子.巷之人】

於陵子之妻，齐大夫之子也。去华靡而降处饥寒，白首无厌，而心犹未信于於陵子。他日，於陵子不食且三易旦，积雪拒门，突微生烟。楚王使使持黄金百镒，聘於陵子为相。於陵子辞而谢其使者。因入占其妻曰：“楚王且相我，今日匹夫，明日结驷连骑，食方丈于前，可乎？”妻曰：“前夫子不为齐大夫，后夫子不为楚相，此固妾厚信以平生也。事母亦有非然者耶。妾谓夫子织屨以为食，非与物亡治也；左琴右书，非与事亡接也。饮水啸歌，乐亦在其中矣。何辱于楚相哉？且结驷连骑

，所安不过容膝；食方丈于前，所甘不过一肉。今以容膝之安，一肉之味，怀楚国之忧，可乎？窃恐乱世多害，不保夫子朝夕也。”於陵子笑曰：“子诚我妻也！业已却之矣。”遂信其妻，相与逃去，辟楚之重命。【於陵子.未信】

於陵子既辞楚相，为人灌园。有楚大夫过而识於陵子，于众人曰：“先生不为千乘仆心，乃为十亩陈力，毋以辞信而就屈邪！”於陵子曰：“子徒知信我之为信，而不知信天之为信也。夫伊尹之于太甲，周公之于成王，咸身都师保之隆，家侔王室之富，名位亢盛矣。然不免复辟之祸，居东之放，则安在其为信也？以是知贵我者之贱而卑，宁不去也；知敬我者之辱而礼，宁不享也；知戚我者之疏而独，宁不群也；知誉我者之损而晦，宁不章也。明不烛其闇闇，而信于蒙冥；知不理其焚焚，而信于寂寞；道不因其升沉，而信于无往。食力灌园之余，寓神冲虚之表，一裘御冬，一簞驱夏，休息同乎禽鹿，内徵吾心息息，然为伊尹、周公降气也者，而子顾屈我，不亦怪乎！”【於陵子.灌园】